

**U G O V O R**  
**O PRUŽANJU ADVOKATSKIH USLUGA**

**UGOVORNE STRANE:**

**1. KANTONALNA JAVNA USTANOVA „PORODIČNO SAVJETOVALIŠTE“**, sa sjedištem u Sarajevu, ul. Bihaćka bb, (u daljem tekstu: Savjetovalište) koju zastupa vd direktorica mr. sci Azra Latić i

**2. MIRZA ALIŠAH, ADVOKAT IZ SARAJEVA**, JIB 4303038220001, sa sjedištem u ulici Kralja Tvrtka broj 5 (u daljem tekstu: advokat)

**Član 1.**  
**(Predmet Ugovora)**

1) Predmet ovog Ugovora je pružanje advokatskih usluga koje uključuju:

- sastavljanje odgovora na tužbu zaprimljenu pod brojem 01-11-20/21 od 12.01.2021. godine, vrijednost spora 5.001,00 KM;
- sastavljanje odgovora na tužbu zaprimljenu pod brojem 01-11-21/21 od 12.01.2021. godine, vrijednost spora 11.400,00 KM;
- stručno-konsultativne pravne usluge-po ukazanoj potrebi.

2) Advokat će obaveze iz stava 1) ovog člana Ugovora obaviti savjesno i blagovremeno, prema najboljem znanju i umijeću, u skladu sa propisima Zakona o advokaturi FBiH, Statuta Advokatske komore FBiH i Kodeksa advokatske etike FBiH.

**Član 2.**  
**(Obaveze Savjetovališta)**

- 1) Savjetovalište se obavezuje da advokata upozna sa svim relevantnim činjenicama i da mu dostavi svu relevantnu dokumentaciju za predmet za koji je advokatu dalo nalog za zastupanje.
- 2) Savjetovalište se obavezuje da advokatu isplati novčanu naknadu na način, u iznosu i roku određenim ugovorom.

**Član 3.**  
**(Vrijednost ugovora i novčana naknada)**

- 1) Procijenjena vrijednost ovog Ugovora iznosi cca 1.000,00 KM.
- 2) Savjetovalište se obavezuje da će advokatu isplatiti novčanu naknadu za izvršene usluge, u skladu sa cijenama istaknutim u ponudi advokata broj 1-21 od 25.01.2021. godine i ista će se isplatiti, prema ispostavljenim računima od strane advokata, obročno ili u cjelosti, maksimalno u vrijednosti iz stava 1) ovog člana Ugovora.
- 3) Uplatu novčane naknade za obavljene usluge Savjetovalište će isplatiti advokatu na račun otvoren u Intesa Sanpaolo banci BiH, na broj 1541802009991152.

**Član 5.**  
**(Poslovna tajna i povjerljivost podataka)**

- 1) Ugovorne strane se obavezuju čuvati poslovne tajne i ne zloupotrebjavati informacije dobijene na osnovu ovog Ugovora.
- 2) Ugovorne strane se obavezuju da podatke, informacije i materijale do kojih se došlo u toku zajedničke saradnje, neće, na bilo koji način, koristiti, dalje ustupati, prodavati, iznajmljivati ili posuđivati.
- 3) Ugovorne strane se obavezuju poduzeti sve mjere osiguranja povjerljivih informacija, kako iste ne bi došle u posjed neovlaštenih trećih lica.
- 4) Povjerljive informacije mogu biti otkrivene isključivo na osnovu zakona, zakonom zasnovanom zahtjevu suda, državnog organa ili druge državne institucije.
- 5) Obaveze iz ovog člana Ugovora važe i poslije prestanka važenja Ugovora.


**Član 6.**  
**(Trajanje Ugovora)**

- 1) Ugovor važi do momenta potpune realizacije ugovorom preuzetih obaveza od strane njegovih potpisnika.
- 2) Svaka od ugovornih strana zadržava pravo da jednostrano raskine Ugovor uz obavezu da dovrši započete poslove i obaveze.

**Član 7.**  
**(Završne odredbe)**

- 1) Sve sporove koji bi proizašli iz Ugovora, ugovorne strane će nastojati riješiti mirnim putem, u duhu dobrih poslovnih odnosa, a ako u tome ne uspiju, ugovara se nadležnost Općinskog suda u Sarajevu.
- 2) Ugovor je sačinjen u četiri istovjetna primjerka od kojih svaka ugovorna strana zadržava po dva.
- 3) Ugovor stupa na snagu danom njegovog zaključivanja.

KJU „Porodično savjetovalište“

  
vd direktorica  
Mr. sci Azra Latic



ADVOKAT

  
Mirza Ališah

Sarajevo, 28.01.2021. god.

Broj: 01-14-3-76/21